

I-DAY – NEW DELHI

Independence Day vawi 79-na chu ram pumah ropui leh urhsun taka lawm a ni a, a lawmna pui ber, New Delhi-a Red Fort-a neihah Prime Minister Narendra Modi-a'n hnam puanzar a pawt pharh a ni. Thu sawiin Prime Minister chuan Zalenna Ni chu beiseina leh thil tum lawmna a ni, a ti a, inpumkhat duhna rilru pawh tihngheh chhoh zel a nih thu sawiin kum 75 chhung hian ram Danpui chu mipuite kawng kawhhuhtu eng a ni, a ti.



I-DAY : HAND HOLDING

Chief minister Pu Lalduhoma chuan an sorkar flagship programme - Bana-kaih - hmangin thil panga Hmuhphiah, Aieng, Mizo hmarcha, Buhhum leh Sawhthing lei a ni, a ti. Tukina Aizawl Lammuala India ram zalenna ni vawi 79-na lawmna a Hnam Puanzar a pawhparh hnu a thu a sawina-ah Mizo Hmarcha lei leh hralhah harsa a awm lova, Aieng hi quintals 400 ah support price pek niin Buhhum hi quintal 1,472 lei a ni a ti a. Hmunphiah quintal 40,327 lei a ni a, kuthnathawktute'n grade A leh B a then an tihhleitheih loh avangin nakkumatangchuan Grading lovin a pulungaleisak an ni ang, a ti. Chief minister chuan Sawhthing quintal nuai 3, sing 4, sang 8 leh 66 lei a nih thu a sawi a. Sawhthing ringawtah support price atan cheng vaibelchhe 142 chuang sorkarin a seng ang, a ti. Sawhthing sawngbawlina hi hmun 4-ah din tum mek a ni thu a sawi a. Rapchung Technology hnuaiah Pu Lalzuimawia'n thing hmanga sawhthing urrona khawl a siam a, a tha hle dawn a an hriat thu leh sawhthingin leilung a tihchhiat dan zirtu team din a nih thu bakah lo nghet nei zawnga kalpui tura ruahman mek a nih thu a sawi bawk a ni.

Pu Lalduhoma chuan damdawi hmanga siam lei tha tel lova huan thlai siam 'Organic Farming' uar telh telh tum a nih thu a sawi a. CM Rubber Mission hnuaiah thawh khatna atan Rubber chinna hmun thar hectare 1,000 leh phase 2 atan 2000 Ha a zauruahman a ni. Zau (cluster) hranghrang tan a hnainakhawl 100 pek an ni ang, a ti a. Thlai chi hrang hrang chinho uar zel a nih tur thu leh thelret chinna hmuna Khuai khawi kalpui tel tura ruahman a nih thu a sawi bawk. Chief minister chuan pawisa puk hmanga sorkar thawhpui tur (Progress Partner) 646 thlan an nih tawh thu leh mi 125 hnenah loan pek an nih tawh thu a sawi bawk a. Hei bakah hian CM Special Package hnuaiah Progress Partner mi 2,257 thlan an ni a, he mi atan bik hian cheng vaibelchhe 18 leh nuai 35 dah a nih thu a sawi bawk.



DAY: DEVELOPMENT

Chief minister Pu Lalduhoma chuan tukina India ram zalenna lawmna a a thusawi zingah Kaladan Multi Modal Transit Transport (KMMTTP) kawngpui siam hna peih a ni hnai tawh tih a sawi a. Rel kawng pawh Prime Minister remchan veleh hawn tura peih a ni, a ti. World Class Rel Station leh Rajdhani Service pawh Sairang rel chawlhmun atangin a kal dawn ni-in a sawi a. Hengte hian nasa taka Mizoram a nghawng dawn avangin, lo inhmakhua theih na'n "Impact Study Team" din a ni, a ti.



AIR NEWS ON SOCIAL MEDIA

Chanchintha hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchintha hi ngaihthlak leh chhiar theih a dah a ni. Zanin dar 6 leh a chanve-ah Chanchintha puan leh a ni ang.



NQAS

India rama sawrkar damdawi In tha bik tehna-ah Tawipui Primary Health Centre an tel thar a, heti hian Mizoram chhunga Health & Wellness Centre leh PHC 58 awm zinga 29 chuan National Quality Assurance Standards (NQAS) certificate an nei tawh a ni. NQAS certified damdawi-inte hi endikna chhawng thum paltlang an ni a, a tawp bera endikna an hmachhawn hi National External Assessment a ni. Hetah hian za zela 70 an hmuh chuan certified an ni chauh thin. Heng certified tawh damdawi-inah te hian natna darh thei ven kawngahte, thawktu zawng zawngte an hna bil an thiamnate, an level zelah enkawlina an pek that dante, a thlawna enkawlina leh damdawi pekte, damdawi In faina leh dik taka damdawi In bawlhhlawh sawngbawlte, hawihawmna leh a chhehvel vawnfai kawngahte, environment vawn that kawngahte endik an ni. National Health Mission (NHM) Mission Director Dr. Lily Chhakchhuak chuan India rama sawrkar damdawi in tha bik tehna, NQAS-ah Tawipui PHC chuan za zela 84 point 78 a hmu tih a sawi.

